

TRAICTE' DE LA PHLEBOTOMIE.

Où selon la doctrine des Anciens
& Modernes approuuez,

*Est contenuë la maniere de bien &
artificiellement saigner.*

Par PIERRE HEVRTAVLT
Chirurgien juré à Caen.



32,465



A CAEN,

Chez JEAN DE BASLY,

M. DC. XXII.





A
MONSEIGNEVR

MESSIRE FRANCOIS
ANZERAY CHEVALIER
de l'Ordre du Roy, Gentil-
homme ordinaire de la
Chambre de sa Maieité,
Seigneur de la Fontenelle,
Durcet, Land'ygout, &c.



ONSEIGNEVR,

*Encor' que l'emi-
nence aux personnes
Illustres semble auoir assez de
force pour acquerir les inferieurs:
si est-ce que rien n'en captive si*

promptement l'esprit ny la vo-
lonté comme la bien-vueillance
dont ils les gratifient. C'est une
douce chaisne, mais si puissante &
qui a tant de charmes, qu'il n'est
point de cœurs sensibles qui ne s'y
laissent tres-volontairement assu-
jectir. Vous l'esprouvez en vous-
mesmes tous les iours (M O N-
S E I G N E V R) par l'infinité
des submissions que chacun à l'en-
uy tasche de vous rendre. Pour
moy que la naissance & l'educa-
tion attachent assez estroictement
à vostre service, je confesse inge-
nuëment que vos biens-faiets me
surobligent si fort que ie ne puis ia-
mais sans crime, tant soit peu
m'esloigner de vos Autels. Vous
deuant donc ainsi tout par dessus

ma puissance (M O N S I E U R) tout ce que ie tasche
est que pour le moins la posterité
sçache que ie ne suis pas insensible.
Je vous recognois l'infinité de mes
obligations, & le signe de cœur &
d'affection comme très-veritable
au frontispice de ce petit Recueil
de mes veilles, dont ie vous fais
une offre tres-humble, & que ie
prends la hardiesse de publier sous
la grandeur & l'esclat de vostre
nom. C'est tres-peu de chose, je le
confesse : mais c'est mon possible.
J'espere que cette consideration
vous le fera recevoir de bon œil. Le
Printemps ne donne que des vio-
lettes; les roses, les lys, les fruiçts,
sont pour les Saisons qui les peu-
uent porter. Je vous l'appends
à iiij

comme ce Capitaine Romain fist
ses armes en un grand & vene-
rable Temple, afin qu'il soit cou-
uert contre les mal-vueillans, &
pour vous tesmoigner que ie ne
cheris rien au monde comme
l'honneur d'estre toute ma vie

MONSIEUR,

Vostre tres-humble,
obeissant & affectionné
seruiteur

HEVRTAVLT.



A MONSIEVR HEVRTAVLT
sur son liure de Saignée, dedié à
Monsieur de la FONTENELLE.

HEVRTAVLT ne craignez pas vn puis-
sant aduersaire,

Vn Dieu qui est fâché contre vous desormais,
Disant que sans vn autre il pouuoit à iamais
Conseruer ce liure ainsi qu'il l'a pen faire.

Qu'Apollon se mutive & s'enfle de colere,
La FONTENELLE peut reboucher tous ses
traicts,

Ainsi que de tout temps, par ses genereux faicts,
Il se brane de Mars & le sçait bien deffaire.

Ce Dieu doute il donc qu'il ne soit accompli
Assez pour meriter aussi bien comme luy
La gloire qu'il pretēd, comme aubeur de ce liure.

Il le peut, & Phœbus n'auroit pas le pouuoir
Sans ce puissant Seigneur de le faire suruiure,
Quoy qu'il eust la verin de nous le concenoir.

HAMET.

A LVY-MESME.

Vous nous monstrez, HEVRTAVLT, vne
prudence telle.

Qu'on n'en verra iamais de pareille entre nous:

Lors que vous escriuez ce liure utile à tous.
Et que vous le dōnez à de la FONTENELLE.
L'escriuāt vous gaignez vne gloire immortelle
Dans les jeunes esprits, qui s'instruisans de vous,
Se rendront tres-parfaictz en ces perilleux coups,
Qui dispensent le sang dont la faure est mortelle.
Mais vous vous acquerez vn bien plus grand
honneur,
Quand vous le consacrez à ce brave Seigneur,
Qui maintiendra fort bien ce Maintien de la vie.
Car si par bon conseil ou bien si par effort,
Vous vouliez garantir ce liure de l'enuie.
Vous ne pouuez choisir plus sage ny plus fort.

A L'VY-MESME.

HEVRTAVLT si la Phlébotomie,
Telle que vous nous la faites voir,
Par mille moyens à pouuoir
De tous prolonger en la vie,
J'estime ce liure assez fort
Pour vous garantir de la mort.

LE CONSONNOY.



ADVERTISSEMENT

Au Lecteur.

A My Lecteur, il y a quelque temps que cet horrible & espou-
uantable hydre pestilentiel,
attaqua cette Ville de telle
forte, qu'il sembloit vouloir
rauager & destruire en vn mo-
ment tous les habitans d'icel-
le. Les Iuges Politiques vou-
lans rechercher les moyens de
s'opposer à ceste furieuse ma-
ladie, & d'empescher qu'elle
ne se glissast plus auant dans
les familles, firent assembler
les Docteurs en Medecine de
ceste Vniuersité, comme aussi

Aduertissement

les Chirurgiens & Pharmaciens, afin de prendre leur aduis sur ce subiect. Chacun parla en son rang, où Messieurs nos Docteurs monstrerent la grandeur de leur doctrine. Et entre les Pharmaciens, le sieur le Moyne fist voir qu'il ne luy manque que le tiltre de Docteur, comme ayant toutes les qualitez requises à vn expert & celebre Medecin. Or chacun ayant donné son aduis, l'on apporta vn liuret que l'on disoit estre du sieur Duret, Medecin tres-fameux en l'Vniuersité de Paris, qui donnoit des enseignemens tant pour la precaution, que curation de cette maladie. Mais d'autant

au Lecteur.

qu'il estoit tres-brief, & auoit esté faict particulièrement pour ceux de Paris : Les mesmes Iuges de la Police trouuerent bon qu'on le fist re-imprimer, & qu'on l'augmentast. Quelque temps s'estant écoulé, sans que la maladie diminuast, j'assemblay quelques memoires que j'auois extraicts des escrits de plusieurs Auteurs (tant pour l'vtilité de mes amis que pour la mienne propre) & les ayant liez & ioincts ensemble, je trouuay qu'ils auoient quelque forme, ce qui m'obligea d'employer quelques heures à les limer & polir, afin de m'en seruir à ma necessité. Mais les ayans com-

Aduertissement

muniquez à quelques vns de mes amis (que la doctrine rendoit capables de me dōner auis sur ce subiect) ils me pousserent à les faire imprimer, à cause de la necessité du temps, & de l'augmentation de la maladie. Neantmoins ces persua- sions n'eussent pas eü le pou- uoir de me résoudre à les met- tre en lumiere (pource que ie me deffiois de mes propres forces) n'eust esté le reproche que me firent quelques Iuges, qu'en vne calamité commune cōme celle de la peste, l'on ne receuoit aucun contentement de ceux qui auoient cognois- sance des remedes, quoy qu'ils fussent seuls capables de soula-

ger les affligez. Toutes ces raisons donques joinctes ensemble, & suiuant le precepte de Maximus Fabius qui dict que tous desseins qui sont dressez pour le profit de la Republique sont tousiours de bon adueu, aduenüë & augure, & sçachant, comme dit Pline, qu'il n'y a liure si mal faiët, qui ne puisse profiter, ie le fis mettre sous la presse. Il n'eut pas si tost veu le iour qu'il commença d'estre censuré diuersement, selon la diuersité des appetits de ceux qui font profession de reprendre autrui. Les doctes pour ny trouuer choses capables d'entretenir leurs beaux & riches esprits, disoient que

Aduertissement

cen'estoit qu'une rapsodie, ou
recueil fripé d'as les Autheurs.
Les autres (que la haine faisoit
plustost parler que la verité)
suivoient le mesme train, & y
adioustoient encor plusieurs
impostures. Pour les doctes, ie
ne m'estone point qu'ils l'ayent
blasme, mais seulement de ce
qu'ils ont bien voulu se tant
abbaisser que d'en faire le iuge-
ment, pource qu'ils ont bien
vn champ plus ample & plus
fertille pour occuper leurs bel-
les estudes, qu'en vn si maigre
subiect. Je sçay qu'on luy a iu-
stement impose le nom de re-
cueil: mais qu'y a il de nouveau
sous le Soleil, dict le Sage: &
come dit le Comiq, que sçau-

roit-on dire aujourdhuy qui
n'aye esté dit auparauât. Pour
mes ennemis, ie ne me suis pas
soucié qu'ils l'ayent blasmé,
pource qu'ils n'en sçauroient
iuger sainement: car tout ainsi
qu'une fontaine trouble ne peut
redre des eaux claires, ou bien
comme la fumée offénçant les
yeux, nous empesche de voir
les choses qui sont entre nos
pieds: ainsi (dit Aristote) l'ire
assaillant le iugemēt offusque
la raison. Ces médifances n'ont
pas eu le pouuoir de m'eston-
ner, mais bien ay-je trouué
estrange que quelques Anal-
phabettes, Trichotomistes en
ont voulu dōner leur iugemēt
à mon desauantage; quoy que

Aduertissement

leur ignorance les rende autāt capables d'en iuger, que celuy qui assourdy par quelque catharre, vouldroit donner son aduis du concert d'une excellente musique. Les impertinences de ces censeurs n'ayant que l'ignorance pour fondement, ne meritent point de repartie: Aussi Apellés ne se fist que mocquer de Megabyfus (quoy qu'il eust mesprisé ses ouvrages) pource qu'il cognoissoit l'ignorance de ce detracteur. Or j'ayoit que l'intention de tous ces Aristarques fust de s'opposer directement à mon bien par le moyen de leurs médifances, si est-ce que contre leur opinion ils m'ont apporté

apporté du contêtement. Car
comme celuy qui auoit entre-
pris de tuer Prometheus le
Thessalien, luy donna de son
espée si grand coup sur son apo-
steme, qu'il la luy couppa en
deux, & luy sauua par ce moyē
hazardeusement la vie: Ainsi me
pensant faire de plaisir, par le
iugement desauantageux qu'ils
ont faict de mon liure, ils ont
percé la tumeur que j'auois
remplie de paresse, & de peu de
soin de lire; & m'ont fait met-
tre en vne curieuse & diligēte
conualescēce, à reuoir & fueil-
leter mes liures, d'où s'en est
ensuiuy ce second labeur. Et
comme la necessité du temps
m'obligea d'escrire le premier,

Aduertissement

ainsi l'vtilité que ce second pourra apporter aux ieunes Chirurgiens, m'a incité de le mettre en lumiere. Car j'ayoit que plusieurs ayent traicté de ceste matiere, neantmoins pource que ceux qui en ont escrit amplement, ne sont pas traduicts en nostre langue, & qu'il y a de la discordance entre eux, ie tascheray de les concilier en cōferāt les escrits des vns avec ceux des autres, & d'esplucher les opinions plus probables, afin que le ieune Chirurgien puisse éviter les erreurs qui se sont glissees en ceste operation, par la diuersité des opinions, & en l'administrant conuenablement, obuier aux accidens qui peuuent suruenir par l'ignorance de celuy qui la pratique. Je ne demande point pardon des imperfections que l'on trouuera en ce liure, de peur d'encourir la mesme responce que receut

Isidore de Meudon, Jacques de Meudon

Posthumius Albinus, lequel
ayant escrit des Histoires en
Grec, en son Prologue il prioit
les lecteurs de luy pardonner s'il
y auoit quelque impropriété de
langage, dequoy Caton se moc-
quant disoit qu'il meritoit qu'on
luy pardonnast, s'il auoit esté con-
trainct, par le commandement des
Amphictions, d'entreprendre ce-
ste Histoire. Mais si on y trouue
quelque chose de rude & de mal
en ordre, ie prie le lecteur de se
representer que c'est vne chose
tres-difficile de plaire à plusieurs,
& qu'il est si facile à l'homme de
faillir, qu'à grand peine s'en peut-il
trouuer aucun sans reprehension.
Que si quelqu'un de ces control-
leurs a l'estomach tellement de-
praué, qu'il ne puisse gouster les
raisons contenuës en ce liure, ie
seray tres-aise (puis que cy deuant
il n'a pas voulu m'obliger de me

Aduertis. au Lecteur.

monstrer secrettement mon er-
reur) qu'il couche ses conceptions
par escrit, afin que j'aye ce bon-
heur, ou de vaincre mon ignoran-
ce, apprenant de luy ce qui m'e-
stoit incogneu, ou de trouuer
quelque responce capable de faire
voir, qu'il n'est porté que sur les
aïsses de l'animosité.

Voila (Amy Lecteur) ce que
j'ay à te dire, te priant de receuoir
ma bonne affection, sans prendre
garde au peu que ie te presente,
mais à la volonté que i'ay de te
seruir. Adieu.



TRAICTE DE LA SEIGNEE.

*De la loüange, definition &
invention de la seignée.*

CHAP. I.

EN CORB qu'en la
science de Medeci-
ne, il y aye plusieurs
beaux & vtils reme-
des, qui sont necessaires au
Medecin, pour guérir metho-
diquement les maladies, si est-
ce toutesfois qu'il n'y en a
point qui soient plus prompts
& assurez que la seignée: car
elle peut estre administrée sans

T R A I C T E'

peril, & arrestée à la discretion de celuy qui la pratique; au contraire du médicament purgatif, lequel estant vne fois pris, agit & continuë son action (quoy qu'on le vueille empescher) jusques là où sa force s'estend. Dauantage c'est le remede de presque toutes les maladies, comme l'enseigne Celse; car la pluspart des affections contre nature, estât engendrées de l'esgalle augmentation des humeurs, la seignée estant le remede de la plénitude, il s'ensuit qu'en telles dispositions on la peut utilement admettre. Ce fut ce remede qui fist tellement estimer Galien (comme il le rap-

*liure 2.
chap. 9.*

porte, parlant de la guerison
d'un Romain qui auoit vne
defluxion sur les yeux) que
ceux qui en virent l'effect,
pensoient que ce fust vn en-
chantement. Or comme la sei-
gnée deuëment administrée
apporte des vtilitez incroya-
bles, de mesme si on la practi-
que mal à propos, elle peut
causer plusieurs incommodi-
tez. C'est pourquoy nous tas-
cherons au mieux qu'il nous
sera possible, & selon la portée
de nostre iugement, de decla-
rer les moyens de la bien & ar-
tificiellement administrer, afin
que le ieune Chirurgien puisse
eviter les dangers, où se plon-
gent ceux qui la practiquent

des
off.c.

Seigne
que c'est.

sans consideration. Mais d'au-
tant que selon Platon, & apres
luy Ciceron, en toute institu-
tion prise de raison, on doit
premierement sçauoir qu'elle
est la chose de laquelle on veut
parler; si on veut bien enten-
dre ce qui est dict par apres, je
declareray auparauant l'essen-
ce de la Phlebotomie par sa
definition. La Phlebotomie
donc est vne incision de veine
artificiellement faicte avec la
lancette, euacuant le sang, &
les autres humeurs qui coulent
avec iceluy, pour la conserva-
tion de la sante, & guerison
des maladies du corps humain.
Or pour entendre cecy, il faut
sçauoir que c'est qu'euacua-

tion, combien de sortes il y en a, & quels sont les vices des humeurs contenuës aux veines. Euacuation n'est autre chose qu'une expulsion des choses contre nature, qui sont contenuës en nostre corps, à sçauoir des humeurs ou excremens qui pechent ou en quantité ou en qualité. Elle est de deux sortes, vniuerselle, & particuliere. L'euacuation vniuerselle est celle qui tire, & emporte vniuersellement de tout le corps, la matiere qu'elle doit euacuer: comme la sueur, le vomissement, la profusion de sang, & le flux de ventre. Et l'euacuation particuliere est celle qui euacue

Euacuation que c'est.

Deux sortes d'euacuation

Vniuerselle.

Particuliere.

seulement vne partie, comme
 l'esternement qui se faict par
 le nez, & par la bouche, de-
 charge particulièrement le
 cerueau, le crachement les
 poulmons, & les yrines sanieu-
 ses les roignons. L'vne & l'au-
 tre de ces euacuations se faict
 ou naturellement, ou par arti-
 fice : Naturellement, quand
 les humeurs viciex & abon-
 dants, sont chassez dehors par
 la nature, le corps n'estant
 point manifestement malade,
 comme par sueur ou flux de
 ventre. Artificiellement, quand
 par le moyen de quelque in-
 strument externe on yuide les
 humeurs qui pechent, ou en
 quantité ou en qualité, com;

Natu-
 relle.

Artifi-
 cielle.

me par potion medicinalle, & par phletobomie. Le vice des humeurs contenuës aux veines est double, sçauoir plethore & cacochymie. Pour entendre cela il faut sçauoir, que le sang dans les veines n'est pas simple & separé des autres humeurs, & qu'en icelles il y a plus grande abondance de sang, puis plus de pituite que des autres, & par après plus de bile, & en fin moins d'humeur melancholique, que de tous. Quand donc ceste proportion est peruertie, & qu'ils viennent à excéder en quantité, il se fait plethore, c'est à dire plenitude. Et si l'humeur sanguin, outre la proportion

*Double
vice de
humeurs*

Plethore.

changée vient à dominer par dessus les autres ; ce sera vne plethore sanguine ; si la pituite, pituiteuse ; & ainsi des autres. Dauantage selon Galien

en 9. de
la Meth.
chap. 9.

Il y a deux sortes de plethore, l'vne qui est dicte *ad vasa*, qui est quand la plenitude est si grande, qu'il y a à craindre que les vaisseaux qui contiennent le sang, ne se viennent à dilater & rompre. L'autre est dicte *ad vires*, en laquelle combien que les vaisseaux ne soient point pleins ny distendus par l'abondance des humeurs ; toutes fois ils contiennent plus de sang vtile & alimentaire, que la Nature n'en peut regir & gouverner. L'autre vice des

humeurs est appelé cacochymie, qui est quand outre la redondance des humeurs, contenues dans les veines, il y a vice en la qualité d'iceux. Galien dict que cacochymie est quand le corps est rempli de bile flaue ou noire, ou d'humeur sereux, ou de pituite, qui ont mauuaise qualité. Au reste il faut remarquer, que la plethore se faict principalement aux veines, & la cacochymie partout le corps.

Quand à l'inuention de la seignée, Galien semble asseurer au liure de *presagio experimento confirmato*. qu'elle a esté trouuée par le moyen d'une cheure, laquelle s'estant pic-

Cacochy-
mie.

13. de
la Meth.
chap. 6.

quée par hazard en l'œil, avec la pointe d'une branche de lentisque, fut guérie d'un certain mal qu'elle avoit en iceluy; ce qui obligea quelques uns d'experimenter ce remede. Mais Pline en parle autrement, & dict que la phlebotomie a esté inventée par l'observation d'un animal nommé Hypotame, c'est à dire cheval fluuial, lequel sentant son corps deuenir replet, par continuel pasturage, sort hors du fleuve du Nil (lequel il habite) & estant au riuage, il contemple les troncs des roseaux fraichement coupez, & en ayant trouué quelqu'un poignant & aigu, met certaine

*Histoire
nat. ch.
l. 6. 28.*

veine de la cuisse sur iceluy, & la pressant contre, faict ouuer-
ture en la veine, puis en laisse
sortir du sang, jusques à ce
qu'il se sente assez deschargé
de la repletion qu'il auoit: lors
il bouche soudain le trou & estoupe
sa playe, avec bouë & limon
qu'il rencontre au riuage, & par telle
seignée il se ga-
rantit de maladie.

*Des considerations qui doivent
preceder la seignée.*

CHAP. II.

LE Prince de la Medecine Galien, en son li-
ure de la façon de gue-
rir par phlebotomie rapporte.

toutes les considerations qui
doiuent preceder la seignée à
cinq chefs principaux ; sça-
uoir qu'il faut que celuy qui
la veut practiquer considere;
premierement quelles habitu-
des ou maladies du corps ont
besoin d'euacuation: seconde-
ment quelles affections re-
quierent l'euacuation faicte
par detraction de sang: tierce-
ment qui sont ceux qui sans
interest & dommage de leur
personne, peuuent supporter
ceste euacuation: quartement
par quelles veines elle doit
estre faicte: & finalement la
quantité du sang qu'il faut ti-
rer. Le mesme autheur deter-
mine par apres, le temps au-

quel il faut faire la phlebotomie: & d'autres y ont adiousté le regime qu'on y doibt observer. Quand à la premiere consideration, il faut sçauoir que selon Hypocrates, toutes ^{Aph. 12} maladies qui se font de reple- ^{Sect. 1.} tion, sont gueries par euacuation: ce qui est appuyé sur l'axiome commun de la Medecine, qui dict que *Contraria contrarijs curantur*. Or Pon allegue plusieurs obiections cõtre cet Aphor. & axiomẽ: car premierement Hypocrates dict ^{Aph. 19} que les parties refroidies doi- ^{Sect. 5.} uent estre eschauffées, reserué celles où le sang coule, ou doibt bien tost couler. Le mesme dict que la conuulsion ^{Aph. 25} ^{Sect. 11}

faicte de pituite, est guerie par
arrousement d'eau froide. Da-
uantage le mesme Hypocra-
tes assure que la douleur gue-
rit la douleur, la lassitude est
guerie par vne autre lassitude,
& que de deux douleurs la plus
grande obscurcit la moindre.
D'autres adioustent que la
scammonée & rheubarbe, qui
sont medicaments chauds &
secs, guerissent la fièvre, qui
consiste en chaleur & siccité.
A telles obiections il faut
respondre; premierement qu'il
vaut mieux n'eschauffer pas
les parties auxquelles le sang
coule ou doit couler, d'au-
tant que le sang davantage
eschauffé, couleroit avec plus

an 2. des
Epid.
Aph. 46
Sect. 2.

de violence, d'où s'en ensui-
uroit vn grand inconuenient,
& mesme danger de mort au
malade. Quand à la seconde
obiection, il faut respondre
que c'est à cause que par la
perfusion d'eau froide, la cha-
leur naturelle est reuoquee au
dedans, & est renduë plus vi-
goureuse, pour cuire & dige-
rer les humeurs pituiteuses
faisant la conuulsion, puis il
faut que le malade soit jeune,
charnu, de temperature bi-
lieuse, & que ce soit au milieu
de l'Esté, comme veut le mes-
me Hypocrates au 21. Aphor.
de la 5. Sect. Pour la troisieme
obiection, cela se faict, d'au-
tant qu'une douleur surue-

nante à vne autre, la chaleur
& les esprits sont renuoyez là
où ils estoient premierement,
& de là s'ensuit guerison de la
premiere. Quand à ce que de
deux douleurs, la plus grande
obscurcit la moindre, cela ne
se fait pas pource que la moin-
dre douleur est guerie par vne
plus vehemente, mais à cause
que la faculté sensitive, & les
esprits animaux, s'occupent
tous en la partie qui est la plus
affligée, par ainsi la plus petite
douleur en est moins sentie.
Touchant le dernier argu-
ment, il faut respondre que ce-
la se faict par accident, entant
que par leur vertu purgatiue,
ils euacuent Phumeur bilieux
qui

qui est cause & entretenement
de la fièvre. Partant la reigle de
guérir par choses contraires
demeurera ferme & stable,
contre toutes les obiections
susdictes; d'où il resulte qu'en
toute repletió il faut euacuer.

—

*Des affections qui requièrent la
seignée, & quelles sont les inten-
tions pour lesquelles on s'en sert.*

CHAP. III.

E n'est pas assez de
çauoir quels sont ceux
que l'on doit euacuer:
mais il faut parfaictement en-
tendre, quelles sont les dispo-
sitions qui ont besoin d'euacuer.

T R A I C T E

cuation par phlebotomie. Or
 les maladies auxquelles la sei-
 gnée profite, sont celles où il y
 a repletion également des hu-
 meurs contenuës aux veines:
 ou bien quand le sang est trop
 copieux & abondant, c'est à
 dire quand il y a plethore san-
 guine, d'autant que la reple-
 tion (comme nous auons dict)
 a son siege principal aux vei-
 nes. Quand aux intentions
 pour lesquelles on se fert de la
 phlebotomie, Guy de Cauliac
 les a reduictes à six. La premie-
 re est pour euacuer: la secon-
 de pour diuertir: la troisieme
 pour attirer: la quatrieme
 pour alterer: la cinquiesme
 pour preseruer: & la sixiesme

Traict. 7
Doctr. 1.
chap. 1.

pour alleger. Toutes lesquelles intentions il faut expliquer par ordre, afin que le Chirurgien les puisse vtilement accommoder à la guerison des maladies. La premiere intention pour laquelle on ordonne la seignée, c'est pour euacuer: elle se fait principalement pour la plethore, laquelle est double, vne pure aucunement composée d'égale portion des meilleurs suc's, l'autre impure participante de cacochymie, qui est vne superfluité des humeurs vicieux dedans les veines; l'vne & l'autre est aidée par la seignée. L'on ordonne l'euacuation de sang encor pour d'autres raisons, comme

pour les grandes maladies,
douleurs & inflammations, &
aussi pour les contusions, afin
d'empescher qu'il ne se face
phlegmon à la partie contuse.

Or Galien appelle la maladie

au 4. de
la Meth.

grande en trois manieres ; ou
bien à cause de l'excellence de
la partie ; ou pour la grandeur
de l'affection ; ou bien à cause
de la malignité d'icelle. Le
mesme appelle la maladie
grande, celle qui est dangereu-
se & perilleuse. Quelquesfois
on appelle la maladie grande,
celle que nous appellons ai-
guë. Mais quand l'on dict que
la grandeur de la maladie est
vn des scopes de la seignée, il
faut entendre de celle qui a de

prompts accidents, & laquelle
 passe promptement ses quatre
 temps, comme langiue, la
 pleuresie, l'apoplexie, & au-
 tres. Voila quant à la premie-
 re intention.

*De la reuulsion, & de la façon
 de bien diuertir.*

CHAP. IIII.

Reuulsion, selon Galien, an 13. de
la Meth.
chap. 1.
 est retraction de l'hu-
 meur qui flue en la par- & de 2.
ad Glanc
chap. 1.
 tie cõtraire, & opposite. Pour
 l'intelligence de ce discours, il
 faut sçauoir que c'est qu'op-
 posite & contraire, & com-
 ment cela doit estre enten-

du, pource que c'est vne des principales questions de la Medecine, pour la cure des maladies. Or il y a de deux sortes d'oppositions, sçauoir opposition mathématique, & opposition medicale. Les op-

*Oppositiō
mathe-
matique.*

positiōs mathématiques sont celles qui tiennent les extrémités d'une mesme ligne droite, & les mouuemens qui se font vers icelles extrémités, sont nommés contraires. Il y en a de quatre sortes, sçauoir de bas en haut, du derriere au deuant, du dextre au fenestre, & du dedans au dehors. On ne doit pas faire la seignée reuulsive suivant ces oppositions: car il s'ensuiuroit qu'à la pleu-

resie du costé gauche, il faudroit seigner au bras droict. Or selon les Medecins le costé droict n'est point contraire au gauche : car selon la doctrine de Galien, Partie opposite ou contraire, est celle qui est distante d'une autre par rectitude de vaisseaux & de fibres, avec droicte continuation d'eux, par lesquels le cours des humeurs se faiet. Partant on doit faire la seignée reuulsive selon ceste contrarieté, que les Grecs appellent *κατ' ἴξιν*, & non pas selon l'opposition mathématique, si ce n'est que la communication des vaisseaux s'y accorde, comme quand Hypocrates diét qu'à celuy

*Auliere
de la
phlebo-
tomie.
Partie
opposite
que c'est.*

*Apho. 6
Sect. 5.*

qui a douleur à la partie postérieure de la teste, il profite d'ouurir la veine du front: car en telle reuulsion il y a opposition mathématique, à sçauoir du deuant au derriere, & aussi medicalle, pource qu'il y a droicte situation & continuation de la veine du front avec les parties posterieures de la teste. Or la raison pourquoy on doit faire la reuulsion par rectitude de vaisseaux & de fibres est telle: d'autant que l'intention pour laquelle on fait la reuulsion, est de faire retraction des humeurs qui fluent à la partie malade, il s'ensuit qu'elle doit estre faite, par les veines qui ont communicatió

avec icelle. Et par consequent on la doit tousiours faire selon la rectitude des fibres ; par ce moyen on baille vn secours prompt, & profitable à la partie affligée. Que si l'on faict autrement sans l'observation de rectitude , cela n'apporte aucune vtilité, ains cause plus grande maladie, comme si à la pleuresie qui est au costé droict, on seigne au costé gauche ; telle seignée ne profite rien, mais peut engendrer vne autre pleuresie au costé gauche ; pour ce qu'elle ne retire pas immediatement les humeurs qui coulent à la partie malade , ains premierement elle faict retraction du sang

contenu en la veine caue, puis l'humeur coulant & faisant la pleuresie est attirée dans la mesme veine, & en fin hors du corps. Mais s'il y a vne violente douleur, & vne excessiue inflammation à la partie malade; ces dispositions jointes ensemble, feront vne attractio contraire à la retraction de la feignée; qui retardera l'effect d'icelle; à cause de la contrariété de mouuement, & contraindra de faire vne plus ample euacuation de sang, afin que la retraction d'iceluy au costé opposite, surmonte l'attraction faicte à la partie affligée. Car autrement, si le malade ne peut porter vne copieu-

se euacuation, la seignée pourra seruir comme de cause prochainique, à vne autre pleuresie: pource qu'elle attirera le sang bouillant & eschauffé au costé gauche, lequel n'estant euacué, & s'y arrestant, pourra apporter les mesmes incommoditez qu'auparauant: ou à tout le moins il alterera & gastera toute la masse du sang, estant meslé avec icelle. Ce qui n'arriue pas si on faiét la leignée du mesme costé, ains on en reçoit vn prompt soulagement, pource qu'en ce faisant on euacüe, on faiét retraction & deriuation de l'humeur qui cause la pleuresie.

Si on obiecte que Galien re-

T R A I C T E'

commande expressement en plusieurs lieux, que toute reuulsion soit faicte en la partie esloignée du lieu d'où l'on veut diuertir, ce qui ne se trouue en la seignée du mesme costé: Il faut respondre que Galien n'entend point, qu'on doieue faire la reuulsion par la partie vraiment esloignée, c'est à dire d'esloignement mathematicque, mais plustost de longitude contraire, ou phisique. Donc en toute reuulsion, il faut obseruer la rectitude des vaisseaux, & des fibres. Hypocrates l'enseigne assez quand il condamne les hæmorrhagies, qui ne se font selon ceste rectitude, comme lors qu'il y a

quelques maladies au foye, s'il arriue quelque hæmorrhagie par la narille gauche, c'est mauvais signe & vn argument que la nature est violentée. La methode de laquelle nous vsons en la curation des hæmorrhagies, nous demonstre cela manifestement: car lors qu'il y a quelque flux de sang par la narille gauche, appliquant vne ventouse à l'hypochondre du mesme costé il s'arreste, ou bien en faisant la seignée au bras gauche: & au contraire quand il y a hæmorrhagie au costé droict. Que si l'on faict autrement, cela ne sert de rien, comme l'enseigne Galien au Traicté de la façon de guerir

par phlebotomie. Touchant les iambes & les cuisses, il faut sçauoir que lors qu'il y a affection en l'une qui requiert la seignée, il la faut practiquer en l'autre, d'autant qu'il y a diuersion de la veine caue, & à l'endroit des iambes, aux deux cuisses, à cause dequoy il y a rectitude de vaisseaux de l'une à l'autre. D'icy l'on peut apprendre à refuter l'opinion des Arabes, & de leurs sectateurs, qui veulent que la seignée se face par deux ou trois diamètres, commençant par les parties plus esloignées de la partie malade, comme si la pleuresie estoit au costé droit, que l'on seignast au pied gauche, puis

au bras du mesme costé, & en fin au bras droict. Or telle façon & methode de reuulsion par phlebotomie n'est loüable, comme nous auons cy deuant monstre: aussi elle est refutée de tous les bós auteurs: d'autant qu'il ne faut tant de fois tourmèter le malade, puis qu'on le peut soulager par vne seule, voire plus facilement & assurement.

De la deriuation, & des autres intentions, pour lesquelles on pratique la seignée.

CHAP. V.

AYANT expliqué les premieres intentions, pour lesquelles on pratique la seignée, il faut en

suite parler des autres. Mais
 pource que la deriuation fuit
 ordinairement la reuulsion, il
 en faut dire quelque chose au-
 parauant. La deriuation don-
 ques est vne extraction de
 l'humeur qui s'est jecté sur
 quelque partie, faicte par le
 lieu prochain. Pour entendre
 cecy il faut sçauoir qu'il y a
 trois sortes d'euacuation: l'v-
 ne qui s'appelle absolument
 euacuation, l'autre reuulsion,
 & la derniere est nommée de-
 riuation. L'euacuation simple
 est des choses qui pechent sans
 nul mouuement ny agitation:
 La reuulsion de celles qui cou-
 lent & sont portées violém-
 ment d'aucun lieu, sur certai-
 ne

*Deriua-
 tion que
 c'est.*

*Triple
 euacua-
 tion, &
 d'eacha-
 cune d'i-
 celles pro-
 cede.*

ne partie : La deriuation de celles qui enuironnent la partie, & sont impactes à icelle. Ceste derniere se faiet ouurant la veine qui s'infere à la partie malade, par laquelle tantost elle reçoit l'aliment, & tantost elle s'abbreuue des humeurs vicieux: car par ceste seignée la partie surchargée de plénitude est deschargée de son fardeau. Or on l'administre tres à propos, quand la reuulsion a precedé, & que la violence de la fluxion & de lardeur est apaisée, & qu'il n'y a point de crainte qu'elle vienne derechef: Pareillement quand l'humour est encor liquide à la partie de laquelle il doit estre tiré.

T R A I C T E'

Mais si on juge que l'humeur soit tellement impactée au lieu affligé, qu'il ne puisse couler ny estre euacué (comme il arriue ordinairement aux longues & inueterées inflammations, ausquelles on voit quelques restes schirreux attachez) alors il ne se faut point seruir de la deriuation par la seignée, mais plustost de fomentations & emplastres qui ramolissent & digerent. Que si on ne peut dissoudre & dissiper l'humeur par iceux, & que le lieu ne soit point à craindre, ny la douleur pressante, la partie malade sera scarifiée, principalement si l'humeur corrompt les parties prochaines

par sa venenosité & malignité: ce qu'on n'appelle point proprement deriuation, mais c'est comme le vicaire d'icelle.

Quand aux autres intentions pour lesquelles on se sert de la seignée, elle sont (comme nous auons dict) pour attirer, pour alterer, pour preseruer, & pour alleger. L'on s'en sert pour attirer, quand l'on veut prouoquer les menSTRUËs en ouurant les veines d'embas, ainsi que l'enseigne Galien au liure de la seignée : Ce qu'il faut faire (dit-il) trois ou quatre iours deuant qu'elles doiuent fluer. L'on se sert aussi de la seignée pour alterer, comme quand l'on est attriqué de quel-

*Dernie-
res in-
tiōs pour
lesquelles
on se sert
de la sei-
gnée.*

La l.

que violente fièvre chaude, si
 ont tire du sang jusques à de-
 faillâce de cœur (pourueu que
 le patient le puisse porter) in-
 continēt toute l'habitude sera
 alterée, & rafraichie, & la fièvre
 chaude esteinte, cōme l'ensei-
 gne Galiē au Com. de l'Aphor.
 23. du 1. liu. L'ō pratique aussi
 heureusement la seignée pour
 preseruer & empescher les ma-
 ladies futures, cōme l'enseigne
 Galiē au Cō. de l'Aph. 47. de la
 6. Sect. où il dit qu'il a empes-
 ché plusieurs de tōber en ma-
 ladie, par le moyē de la seignée.
 I'ay guery (dict-il) la podagre
 & autres maladies arthritiques
 cōmençantes, & n'ayāt encor
 fait de nodositez à l'etour des
 articles, par la phlebotomie.

Pareillemét le crachat de fäg,
Pepilepsie, apoplexie, & la lepre
encómécée. L'on ordóne aussi
la seignée aux cõtusiós, & aux
playes, afin d'empescher que le
phlegmó ny suruiéne. La 6. &
derniere intétió pour laquelle
on admet la seignée, est pour
allegger : ainsi aux fieures syno-
ches & autres, qui sont causées
par la pourriture des humeurs
(si l'aage & les forces le per-
mettent) il profite d'ouurir la
veine, côme l'asseure Galié : car
la nature estát allegée par ceste
euacuatió, dominera facilement
ce qui luy est contraire, en di-
gerant ce qui doit estre dige-
ré, & reiectát ce qui doit estre
reiecté. Voila en general les
maladies & intentions pour

TRAICTE'

lesquelles on pratique la seignée, il reste de monstrier en particulier chacune des maladies, ausquelles on la peut vtilement accommoder.

Denombrement de toutes les maladies ausquelles la seignée est utile & profitable.

CHAP. VI.

LA phlebotomie guerit les maladies presentes, causées par l'abondance du sang, ou par la sortie ou faillie d'iceluy : & empesche celles qui sont prestes à venir. De ceste sorte sont la fièvre synoche (tant celle qui est en-

gendrée d'un sang eschauffé, que celle qui est allumée par la pourriture d'iceluy) & toute fièvre continuë, de laquelle la pourriture est contenuë dans les grands vaisseaux. Entre les affections des parties, auxquelles la seignée profite, on met la phrenesie, ophtalmie, les parotides, schinance, pleuresie, peripneumonie, inflammation du foye, de la ratte, de la matrice, des reins, des parties honteuses, & finalement de toutes les parties, tant internes qu'externes. A ces affections se joignent le crachement de sang, la phtisie commençante, le vomissement de sang, & l'effusion trop violente

TRAICTE'

te d'iceluy par le nez, la matrice, & hemorroides : au commencement desquelles maladies, la seignée faicte par la partie opposite, arreste la violence de la fluxion, & par la force de la reuulsion elle retire aucunement de la partie malade. Partant la seignée est le remede de toutes les maladies qui prennent leur origine de l'abondance du sang. Et celles qui sont causées par plenitude d'humeurs impurs (pource qu'elles sont fort proches & alliées aux susdictes) doiuent aussi estre gueries par la seignée : d'autant que la matiere d'icelles, encor qu'elle soit impure, toutesfois elle est conte-

nuë aux vaisseaux, ou bien elle
procède d'iceux. L'on guerit
aussi par la seignée les carbou-
cles, furuncles gratelles, toute
rougeur qui paroist à la super-
ficie du corps, & toutes les
maladies qui ont la nature &
condition de celles-cy. Pareil-
lement la fièvre chaude, &
toute fièvre continuë, de la-
quelle la pourriture est resser-
rée dans les grands vaisseaux,
est guerie par la seignée : mais
pour celle de laquelle la matie-
re, & le propre entretenement
n'est contenu aux grands vais-
seaux (comme aux fièvres in-
termittentes) elle est bien à
tard guerie par l'ouverture de
la veine. Vray est que quelque-

fois en ces maladies on seigne
vtilement, sçauoir quand les
veines s'enflent par vice de
plenitude immodérée, quand
les perils d'icelle menacent, &
que quelque accident proue-
nant de sang eschauffé presse
violemment, comme vne
douleur poussante de la teste,
vne agitation du corps, & vne
chaleur presque suffoquante:
jaçoit que ces accidens arri-
uent ordinairement de bile
eschauffée à l'entour des par-
ties pectoralles. Mais pour dire
vray, telle seignée n'oste pas la
fièvre ny sa cause, ains seule-
ment elle appaise la fureur des
accidens, tant presens que fu-
turs. D'auantage des affections

des parties, aucunes sont guerries par la seignée, comme douleur poussante de la teste, & des oreilles, la lethargie, le vertige, quelque espece d'apoplexie & d'epilepsie, vne fluxion acre & mordicante, & quelque palpitation de cœur. Pareillement à ceux qui sont prests de tomber en maladie qui leur est accoustumée & annuelle, lors qu'on remarque desjà la plénitude, & la cause disposée à produire son effect, il faut anticiper & aller au deuant par la seignée, pour ce que la façon de guerir des maladies presentes & futures, est semblable & commune: Et tout ce qui est fait utilement

TRAICTE'

aux presentes, peut estre fait tout de mesme lors qu'elles commencent, ou qu'elles sont sur le poinct de commencer. L'on peut aussi seigner sans qu'il y aye plenitude, quand quelques causes euidentes, comme vne contusion, vne douleur & vne ardeur ont prouoque vne defluxion, laquelle menace quelque partie de phlegmon, comme nous auons dict cy deuant. Voila quant aux maladies ausquelles la seignée peut estre vtilement administree, il faut maintenant passer à la troisieme consideration, sçauoir qui sont ceux qui peuuent supporter la seignée.

Quels sont ceux qui peuvent supporter la seignée, & ceux auxquels elle est contraire.

CHAP. VII.



EVX qui facilement peuvent supporter la seignée, & auxquels elle ne peut nuire, sont ceux-là qui sont robustes, qui ont les veines, pleines & amples, qui ne sont ny meigres ny attenez, qui ont la couleur brune & vermeille, la chair dure, ferme & solide. Mais ceux qui sont de disposition contraire, ne la peuvent soustenir sainement, parce qu'ils ont peu de sang, & ont la chair rare,

desliée, poreuse, molle & eua-
porable. C'est pourquoy Ga-
lien veut qu'on ne seigne point
les enfans auant l'aage de 14.
ans, ny aussi les vieillards apres
l'aage de 70. Toutesfois Celse
dict, qu'il ne faut point de cela
establir vne reigle si exacte,
que si l'enfant à 3. 4. 5. ou 6.
ans, est affligé de quelque ma-
ladie grande, qui requiere la
seignée, comme d'une pleure-
sie ou autre, pourueu qu'il y
aye de la vigueur en ses forces,
il ne faut craindre de le sei-
gner. L'on en peut autant dire
du vieillard. Fernel pour con-
firmer cela, recite deux hi-
stoires: l'une de Rhasis lequel
en sa grande vieillesse, estant

au liure
de la sei-
gnie.

liure 1.
chap. 10.

malade d'une peripneumonie,
 se fist seigner, & guerit; l'autre
 d'Auensouard, lequel ouurit la
 veine à son fils n'ayant que
 3 ans. D'où l'on peut conclure
 avec le mesme Fernel, qu'il n'y
 a aucune sorte d'aage qui ne
 puisse porter quelque euacua-
 tion par phlebotomie. Car
 (dict-il) pour l'extraction d'une
 once ou demie once de
 sang, le corps n'en fera gueres
 plus debille, & s'en ensuiura
 quelquesfois vn grand profit.
 Et pour comprendre cela il
 faut sçauoir, qu'il y a trois de-
 grez d'euacuation: la première
 est dicte euacuation entiere &
 parfaicte, laquelle oste toute
 la plus grande partie de la ma-

au Livre
 2. de la
 Meth.
 chap. 10.

tiere morbifique, l'autre est
 dictée profitable & vtile, non
 toutesfois entiere, laquelle
 oste vne partie de la maladie:
 la troisieme est euacuation si
 petite qu'elle ne soulage en
 rien le malade. Le premier de-
 gré d'euacuation conuient à
 ceux qui ont les forces bien
 robustes. Le second à ceux qui
 les ont mediocres. Quant au
 troisieme les auteurs n'en
 ont point fait de mention,
 comme estant inutile. La cou-
 stume sert aussi de beaucoup
 pour supporter la seignée: car
 comme disent les Philoso-
 phes, *à rebus consuetis, non laeditur*
natura. Aussi Hypocrates ap-
 pelle la coustume, vne nature
 acquise,

acquise, & aux Aphorismes il dict, que les choses accoustumées en cor qu'elles soient plus pernicieuses, toutesfois elles nuisent moins que les non accoustumées. Partant ceux qui n'ont accoustumé d'estre saignez, ne soustiennent si facilement la phlebotomie, que ceux qui le sont aucunesfois. Dauantage tous ceux qui ont l'estomach debile, ou qui sont trauaillez de diarrhées ou flux de ventre, ou qui souffrent quelque indigestion, ne doiuent estre saignez. Quant aux femmes enceintes, quelques vns ont estimé qu'elles ne deuoient point estre saignées durant leur grossesse : d'autres

liure 3.
chap. 31

Pont permis au milieu d'icelle.
Mais Liebaut en son traicté
des maladies des femmes af-
feure que l'on peut practi-
quer la saignée durant tout le
temps de la grossesse, reserue le
4. & le 8. mois, non seulement
quand il y a plénitude, mais
aussi avec plus grande necessi-
té, quand quelque pleuresie,
peripneumonie, angine, ou au-
tre telle inflammation tour-
mente la femme grosse, ce que
l'on ne doit faire qu'avec gran-
de caution & prudence, com-
me il sera dict en son lieu. Au-
reste ceux qui ont vsé de trop
grande sobriété, ceux qui sont
de nature froide & pituiteuse,
& ceux-là qui habitent en re-

gion trop chaude ou trop froide, ne portent pas facilement la saignée. Pareillement toutes choses qui affoiblissent la vertu, comme les grandes sueurs, l'horreur & tremblement, l'usage immodéré de Venus, la trop grande frequentation du bain, le flux de ventre, soit par nature ou par médicament, le grand soin, le soucy, le travail, & les longues maladies, nous deffendent la saignée. Que si l'on ne prend garde à toutes les choses susdictes, & que l'on pratique mal à propos la saignée, tant s'en faut qu'elle rapporte nul soulagement, elle debilité le corps, augmente les maladies, & quel-

TRAICTE
quesfois les rend incurables.

*Toutes les veines saignables du
corps humain, & celles que l'on
doit ouurir en chaque maladie.*

CHAP. VIII.

PUISQUE la saignée est
incision de veine, &
qu'il y en a diuersité en
nous, & ensemble diuersité
d'affections, il s'ensuit qu'il
faut sçauoir quelles sont les
veines saignables, & en suite
celles qu'on doit ouurir pour
la guerison de chaque maladie.
Or on peut ouurir seurement,
en cas de necessité, toutes les
veines externes, & que l'on
peut facilement voir & tou-

cher: quoy que pour l'ordinaire l'on ne pratique la saignée qu'à vne certaine quantité, contenuë en la table suivante.

<p>Au corps humain il y a 33 veines saigna- bles dont il y en a</p>	<p>13 à la tête: sçavoir</p>	2. derrière les oreilles.	{ auriculaires.	
		2. aux angles des yeux.		
		2. au col.	{ jugulaires.	
		2. au derrière de la tête.		
	<p>12 aux bras & cubitus</p>	1. du front	{ frontale, ou preparata.	
		1. dicte <i>Vena pupis</i> .		
		2. sous la langue	{ ranulaires.	
		1. du nez,	{ nasalle.	
	<p>6 au bras & cubitus</p>	1. basilique,	{ 1. saluatielle.	
		1. mediane.	<p>qui font à la main</p>	1. noire { de chaque costé.
		1. cephalique		1. cephalique ou ocul
	<p>8. aux pieds.</p>	1. au ploy de dessous le genou	{ popli- tique.	
		1. à la maleole interne	{ saphene.	
		1. à l'externe	{ sciatique	
		1. au dessus du pied.		

6 & 8 au bras

D

iiij

Quant aux veines qu'il faut
ouurer en chaque disposition,
il faut sçauoir que si le corps
est plethorique, & qu'il n'y
aye maladie ou autre affection
manifeste d'aucune partie, il
faut ouurer la veine du bras
droict, appelée basilique,
principalement si la plethore
est sanguine, ou bilieuse, si
c'est plethore melancholique,
l'on ouurira la mesme veine du
costé gauche, à cause de la si-
tuation de la rate, qui est le
receptacle de l'humour me-
lancholique. Il faut obseruer
la mesme reigle en la curation
des fieures; c'est pourquoy à
la fieure synoche, tant simple
que putride, aux fieures ardan-

tes, tierces, & quotidiannes
continües, il faut saigner la
basilique du bras droict; & si
c'est vne fièvre quarte on ou-
urira celle du bras gauche. Da-
uantage si les parties qui sont
au dessus des clavicules sont
affectées, & que l'on veuille
euacuer copieusement, il faut
ouurir la veine cephalique.
Que si l'on desire d'euacuer
plus lentement, il faut ouurir
le rameau qui court entre le
pouce & l'index. Pareillement
si les parties qui sont situées
entre les clavicules & les roi-
gnons sont affligées, & que
l'on desire faire vne ample
euacuation, il faut ouurir la
veine interne ou basilique:

mais si on desire de vuider plus lentement, il faut ouurir la veine qui court entre le doigt medecin, & l'auriculaire: Pour la veine cubitale ou mediane, elle peut estre ouuerte aux affections des vnes & des autres parties, qui sont au dessus & au dessous des clauicules. Touchant les parties inferieures, si on veut promptement vuider, il faut ouurir la veine poplitique, & si l'on veut faire l'evacuation plus lente, il faut ouurir la saphene. Voila les reigles generalles touchant les veines qu'il faut saigner en chaque maladie. Que si on obiecte que l'on ne garde pas tousiours ces reigles, veu que

au flux immoderé hemorroïdal, ou menstrual, ou bien lors qu'il y a vn phlegmon à la jambe, ou à la cuisse, on ouure la veine du bras, il faut répondre que cela se faict pour reuulsion, laquelle se doit faire des parties contraires & opposites. Ioinct qu'il faut ôster premierement la plénitude & cause antecedente, auant l'incision des veines de la partie malade, comme si l'inflammation est en la vescie, à l'anüs & uterus, il faut premiere-ment saigner au bras, puis aux veines inferieures.

~~De la mesure de la saignée.~~

De la mesure de la saignée.

CHAP. IX.

ALIE NICHOL tesmoigne
qu'il n'y a chose qui fa-
ce tant l'art de Mede-
cine coniectural, que la quan-
tité de chaque remede; ce que
l'on doit tres-curieusement
remarquer en la saignée: car si
l'on tire trop grande quantité
de sang, icela peut apporter
plusieurs maladies, aucunes-
fois incurables, ou à tout le
moins de difficile guerison. Il
faut donc iuger la quantité de
l'extraction du sang, par la vi-
gueur des forces, & par la
grandeur de la plénitude: car

si les forces sont robustes, & qu'il y aye plethore, rien n'empêchera qu'on ne tire quantité de sang, si la grandeur de la maladie le requiert. Mais si les forces ne sont que médiocres, & qu'il n'y aye point de plénitude, alors (quoy que la maladie soit grande) il faut faire la saignée moins libérale. Aussi la grandeur de la maladie & la vigueur des forces ne sont pas indicatives de la quantité de sang que l'on veut euacuer (comme plusieurs ont voulu) mais seulement elles démontrent que l'on peut saigner. Outre ces deux observations, il y a encor plusieurs autres marques pour reigler la quan-

tité du sang, qui doit estre tiré. La premiere est prise de l'habitude ou constitution du corps que l'on doit saigner, s'il est charnu, ou ferme & bien proportionné, qu'il aye les veines vrgentes; au contraire s'il est extenué, ou bien qu'il soit gras, on ne fera la saignée si copieuse. La seconde sera prise de l'aage; si c'est vn enfant, pource qu'il a la chair molle, tendre, chaude, humide, de quoy il se faiet grande dissipation des trois substances, il ne fera si copieusement saigné, ny aussi en la vieillesse, pource que les vieillards ont leur chaleur naturelle debile, & sont de temperature froide. La

troisiesme marque est la constitution de l'air, qui nous environne, si elle est froide on fera plus petite saignée, pource que par vne grande euacuation de sang, la chaleur interne est diminuée, laquelle pourroit estre par apres estainte par l'air ambient. Aux constitutions chaudes de l'air, on ne doit aussi faire la seignée si liberale, pource qu'à cause de la chaleur, il se faiet grande dissipation par les pores ou conduicts, qui sont plus ouuerts en ceste saison. La quatriesme est l'euacuation ou suppression d'icelle; de laquelle il faut establir vne telle reigle, que si elle oste la cause de la maladie,

elle empeschera qu'on ne fera
du tout la saignée, ou que l'on
n'en tirera si grande quantité:
comme si à vn pleuretique, il
seruient hémorragie, vomis-
sement, vne sueur, ou vn flux
de ventre, si telles euacuations
ne soulagent, & diminuent la
pleuresie, il ne faut laisser de
faire la saignée; non toutes fois
durant lesdictes euacuations,
si elle diminuë quelque peu,
on ne fera la saignée si copieu-
se & abondante. Mais s'il y a
quelque euacuation suppri-
mée, comme les hemorroïdes
ou menstruës, alors il faut sai-
gner plus liberalement. Quand
aux femmes grosses, j'ajoute
que leur flux menstruel soit

arresté, néanmoins pource
qu'il est nécessaire pour la
nourriture du fœtus, on ne les
doit saigner qu'avec grande
caution: ayant égard non tant
à la vigueur des forces, & ple-
nitude de la femme grosse,
(suivant lesquelles conditions
seroit besoin, si la nécessité le
requeroit, de tirer quantité de
sang) qu'à l'âge & force du
fœtus; pource que l'intégrité
& santé d'iceluy, despend de la
suffisante quantité du sang
maternel. Mais d'autât qu'aux
premiers mois il n'en a pas
grand besoin, à cause de sa
petitesse; l'on pourra alors (si
la nécessité le requiert) tirer du
sang en petite quantité. Es se-

conds, pource qu'il est nécessaire de beaucoup de sang pour la nourriture de l'enfant; il faut saigner en plus petite quantité. Et finalement aux derniers mois il faut tirer du sang en tres petite quantité. La 5.
& derniere marque qui oblige ou deffend de faire vne copieuse extraction de sang, est la coustume & façon de viure du malade: Si donques le malade s'est tousiours bien traicté, principalement auant que tomber en maladie, on ne craindra de le saigner plus liberalement que s'il auoit vſé d'abstinence. Ceux aussi qui ont accoustumé d'estre souvent saignez, endurent plus facile-

facilement vne liberale eua-
cuation de sang. D'autant que
la Nature est moins offensée
d'une chose qu'elle a accoustu-
mé. D'où l'on peut apprendre
à refuter l'opinion du vulgaire
qui reserve la premiere saignée
à la derniere necessité: car la 2.
3. & 4. saignée est plus facile-
ment supportée de Nature,
que la premiere.

*De la reiteration de la saignée;
comment, & pourquoy il
faut reiterer.*

CHAP. X.

QUAND l'on est attaqué
de quelque violente
maladie, prouenante de
l'abondance de sang eschauffé,

si les forces sont bastantes, on peut tirer du sang tout à la fois, jusques à defaillance de cœur, de peur que ce sang (n'estant plus regy de nature) ne se iette sur quelque partie noble. Mais si on ne peut accomplir toute l'euacuation à la fois à cause de la debilité des forces, alors on est contrainct d'vser de partition ou reiteration. Or la reiteration de saignée n'est autre chose, qu'une seconde euacuation de sang par la mesme ouuerture d'une saignée precedente. Le moyen de reiterer est tel: Il faut oster la ligature, & poser le doigt sur la playe de la saignée, jusques à ce que les forces soient reue-

*Reiteration
tion que
c'est.*

nuës , puis recommencer l'evacuation du sang. Que s'il est besoin d'attendre d'avantage, il faut oindre l'incision de la saignée d'huile d'olive à sallée, afin d'empescher qu'elle ne s'aglutine. Et si l'incision est tellement ferrée, que mal-aisément le sang en puisse sortir, il ne faut trop rudement estendre le bras que le malade avoit tenu courbé ; ny fouller par trop sur la veine afin de faire sortir le sang, pource que ceste violence causeroit douleur & inflammation : mais plustost avec la poincte d'une petite sonde, il faut oster le sang qui est caillé sur l'orifice de la veine, ou bien la repiquer au des-

fus, tout de nouueau.

Quand à l'espace qui doit estre entre la premiere & seconde saignée, il faut sçauoir qu'aux maladies vniuerselles, il vaut mieux n'attendre plus d'un iour, & saigner deux fois (si les forces le permettent & qu'il n'y aye rien qui empesche) de peur que le retardement de l'euacuation entiere des humeurs superflus, ne soit cause de leur pourriture & de l'augmentation de la maladie.

Pour les affections des parties, il faut faire les reiterations plus esloignées les vnes des autres. Mais vne inflammation maligne & veneneuse (comme il arriue au bubon

pestilentiel & carboucle) doit estre abbatuë au mesme iour, par vne prompte & reiterée euacuation, de peur que la contagion pestilente ne demeure dauantage aux veines. Lanfranc dict que pour arrester quelque flux de sang excessif, il ne faut attendre long temps, mais qu'il suffit de mettre le doigt sur l'ouuerture de la veine, & par interualles le lascher ou resserer, iusques à ce que l'on aye faict vne suffisante euacuation. Dauantage il faut prendre garde que la premiere saignée soit plus copieuse que la seconde, & la troisieme moindre que la deuxiesme, comme Galien

l'enseigne en plusieurs lieux.

Les causes pour lesquelles on reitere la saignée sont reduictes à cinq chefs : Le premier quand il faut saigner largement, & que les forces manquent. Le second quand la veine est ouuerte & qu'il n'en sort point de sang; ou s'il en sort ce n'est celuy que l'on desire euacuer, & alors il faut resserrer l'ouuerture de la veine, & donner au patient quelque confortatif, comme vne rostie trempée dans du vin où l'on a mis du sucre; puis quelque temps apres reiterer la saignée, & tirer du sang ce qu'il en faut. La troisieme cause pour laquelle on reitere la sai-

gné, est quand on veut diuertir plus à propos le sang & les autres humeurs, qui se jettent sur quelque partie. La quatriesme, est quand on veut tirer le sang indigest, ou autres humeurs cruës; & ce pour deux raisons, la premiere pource que telle crudité d'humeurs est souuent joincte avec debilité des forces, & partant elle requiert reiteration de saignée: la seconde pource qu'à mesure que l'on tire petite quantité de sang, l'on prepare l'autre avec porions incisives & abstersiues, comme l'enseigne Galien au liure de la Phlebotomie. La cinquiesme & derniere raison, qui indique

reiteration de la saignée, est tirée de Galien qui dict, que quand vne humeur est espan- duë par la substance de quel- que membre, il faut reiterer la saignée, autrement eile se pour- rira bien tost; d'autant qu'elle n'est contenuë en ses propres vaisseaux. Non pas que la sai- gnée euacuë immediatement, le sang contenu en la substan- ce du membre, mais acciden- tairement: car les grands vais- seaux estans deschargez par la premiere saignée, ils attirent des plus petits, & les plus pe- tits de la substance du mem- bre: ce qui se faict tant pour la necessité de remplir les vaisseaux vuidez, que par la

force de la faculté expultrice, du membre enflammé, comme l'asseure Galien au troisieme liure des facultez naturelles. Or la raison pour laquelle on reitere vtilement la saignée en ceste affection, c'est afin que durant l'espace qui est entre la premiere & seconde saignée, la nature puisse reietter le sang qui est espandu en la substance du membre, dans les petites veines, & d'icelles aux grandes, pour qu'il soit euacué par la seconde ou troisieme saignée. Voila quand à la reiteration.

*Le temps de la maladie, la saison,
le iour & l'heure en laquelle
il faut tirer du sang.*

CHAP. XI.

E temps auquel on
doit faire la phlebotomie
doit estre limité &
reiglé, selon la maladie pour
laquelle on veut saigner : car
des affections les vnes ont be-
soin d'un prompt secours &
sont dictes aiguës; les autres ne
requierent d'estre secouruës si
promptement. Touchant les
premieres il faut faire la phle-
botomie sans auoir esgard au
jour, au temps n'y à l'heure;
d'autant que selon Hypocra-

te, aux maladies aiguës il faut *Apha.*
 remedier au premier iour, car
 le retardement y est nuisible,
 comme en vne angine, pleure-
 sie, & suffocation, à quelque
 heure que ce soit (si telles affe-
 ctions pressent) il faudra sai-
 gner. Auicenne veut qu'au *au trai-
 tée de la*
 commencement des maladies *saignée.*
 on s'abstienne de la saignée, &
 qu'on attende la concoction
 des humeurs. Mais cela est ri-
 dicule, & refuté par la practi-
 que ordinaire; car aux mala-
 dies aiguës, auxquelles il faut
 remedier au premier iour, & à
 la premiere heure (s'il est pos-
 sible) on doit promptement
 administrer la saignée, comme
 vne pleuresie, schinancie & au-

tres. Et tant s'en faut qu'il faille attendre la concoction pour faire la phlebotomie, que mesmes lors qu'elle apparroist en certaines maladies, il ne faut plus saigner, comme à la pleuresie, quand on crache la matiere purulente.

Que si la douceur de la maladie permet de faire eslection du temps de la saignée, ou bien si on la faict pour precaution; il faut prendre garde aux choses inferieures & aux superieures. Touchant les inferieures, on considere la saison de l'année, le iour & heure propre. Il n'y a que deux saisons de l'année propres à faire la saignée, sçavoir le Prin-

temps, & l'Automne. Quand aux iours ils n'empeschent point de faire la saignée, si ce n'est que depuis le commencement de la maladie plusieurs se fussent escoulez, & que pendant iceux la matiere de la maladie eust acquis vne parfaicte coction, ou que les forces fussent abbatuës : car alors il ne seroit pas permis de saigner. Pour l'heure propre, tous demeurent d'accord que l'heure du matin est la plus conuenable, deux ou trois heures apres le leuer, d'autant qu'à ceste heure là le sang domine, & est plus apte à fluer.

Quand aux choses supérieures, elles despendent de

Pobservation Astrologique
 car les corps celestes, & prin
 cipalement le Soleil & la Lu
 ne, par leur mouuement per
 petuel causent de grandes al
 terations aux choses inferieu
 res; Mais tout ce qu'il faut re
 marquer en cela touchant la
 saignée, c'est que tant que la
 Lune croist & est au plain, il
 faut tirer du sang plus hardi
 ment, & au contraire quand
 elle descroist & diminue.
 Voila quand au temps de la
 saignée.

Du regime qu'il faut observer en la saignée, & premierement de la preparation que l'on doit apporter deuant icelle.

CHAP. XII.

L'ON diuise ordinairement le regime de la saignée en ce que l'on doit faire deuant icelle, pendant qu'on l'execute, & apres l'auoir administrée. Or la preparation que l'on doit apporter deuant la saignée, se doit entendre ou au Chirurgien, ou au malade, ou aux choses extérieures. Pour les conditions d'un Chirurgien qui veut artificiellement saigner, on les

peut rapporter aux dons du corps, ou à la perfection de l'esprit. Quant aux dons du corps, il est requis premièrement qu'il ayela veuë bonne, afin de mieux remarquer le lieu où il doit faire l'ouuerture de la veine : secondement il doit auoir la main ferme & non tremblante, afin qu'il puisse faire la saignée assurement, & sans vaciller. Pareillement il doit estre ambidextre, c'est à dire habille à s'aider des deux mains, afin qu'il puisse ouurir la veine tantost avec l'vne, tantost avec l'autre, selon la diuersité des lieux où il faudra saigner.

Quand à la perfection de l'esprit,

l'esprit, il doit parfaictement
 cognoistre les subiects, lieux,
 maladies & saisons, auxquelles
 on peut saigner (ainsi qu'il a
 esté montré cy dessus) de
 peur que son imprudence
 l'ayant porté à faire vne sai-
 gnée mal à propos, il ne soit
 cause de la mort de son pa-
 tient, ou de l'augmentation de
 sa maladie. Et c'est vn vice
 fort commun pour le jour-
 d'huy, & principalement en
 ce quartier, où la pluspart des
 Chirurgiens saignent indiffe-
 remment tous ceux qui se pre-
 sentent, sans en consulter au-
 cun Medecin, ny prendre gar-
 de si le malade pourra porter
 l'euacuation, ou si la maladie

le requiert. Ceux qui pour l'esperance d'un gain futur, commettent de telles fautes, meritent d'estre recompensez d'un seuer chastiment, capable de punir leur meschanceté ou leur ignorance ; afin que desormais ils ne soient point cause de faire blasmer vn remede , qui estant conduict avec discretion apporte des utilitez incroyables. Au reste le Chirurgien doit estre hardy & asseuré, de peur que par sa timidité il ne commette quelque faute en faisant l'ouuerture de la veine.

Pour la preparation que le malade doit apporter deuant la phlebotomie, elle doit estre

telle : Il faut premierement
oster l'impureté de la premie-
re region du corps; puis que la
coction soit parfaicte, & les
excremens tant des intestins
que de la vëscie euacuez: d'au-
tant qu'il ne faut pas faire la
phlebotomie, s'il y a suppres-
sion des excremens grossiers.
Pareillement s'il y a quelque
imbecillité à l'orifice superieur
du ventricule, ou sentiment
trop exact, il le faut aussi cor-
riger avant la phlebotomie.
Toute ceste preparation se
faict si la benignité de la mala-
die le permet : mais si elle est
cruelle & violente (comme
vne plenitude où l'on craint la
rupture des vaisseaux, vne

vehemente pleuresie, vne fièvre tres-ardante, vne cheute ou rupture violente) il ne faut attendre ceste preparation, d'autant que l'issuë d'un peril eminent est plus à redouter, que l'incommodité qui pourroit suruenir le corps n'estant préparé.

Quant aux choses exterieures elles sont ou communes, ou propres : Les communes sont celles, qui non seulement sont necessaires à la saignée, mais ont encor plusieurs autres vsages : Tels sont le lieu, où l'on doit faire la saignée, le siege ou liēt du malade, le bastō qu'on luy met à la main, l'eau, le vin, les bandes & com-

presses. Pour le lieu où l'on doit faire la saignée, il doit estre clair & lumineux, naturellement ou par artifice, non seulement pour mieux voir & remarquer la veine, mais aussi pour attirer les humeurs du centre du corps à la circonférence, & par ce moyen aider l'evacuation d'icelles. Le siege ou liét du malade doit estre disposé en sorte qu'il n'empesche le Chirurgien de faire son operation. Le baston qu'on luy met à la main (tant pour luy soustenir le bras que pour aider le coulement du sang en le contournant & serrant) doit estre rond, de moyenne grosseur, & aussi long qu'il se-

ra besoin pour supporter le bras, selon les diuerses situations que l'on fera tenir au malade. L'eau de laquelle on se sert en la saignée, ou elle est froide, ou bien elle est chaude: l'eau froide sert, tant pour mouiller la compresse, que pour jeter en la face du malade s'il tombe en defaillance: la chaude sert pour faire attraction du sang, & aider l'euacuation d'iceluy, si on faict la saignée aux extremittez. Le vin sera vtile à reparer les forces du malade, s'il tombe en syncope. Les bandes sont ou de linge ou de laine: celles de linge seruent pour bander & resserer les latures de la playe;

elles doiuent estre sans ourlets, larges d'un poulce ou quelque peu dauantage, & longues selon la partie qu'il conuiendra bander: celles qui sont de laine seruent tant pour tenir la veine subiecte, que pour la rendre plus visible: elle sont faictes pour l'ordinaire d'un morceau d'escarlatta, larges d'un poulce, & longues en sorte qu'elles puissent faire vn double tour à l'entour de la partie qu'il faut saigner. Les compresses seruent tant pour conseruer les leures de la playe, en les rapprochant l'une de l'autre (pour euitier l'hemorragie) que pour empescher la fluxio qui pourroit tomber sur icelles: elles

sont faictes de linge ployé en plusieurs doubles, puis couppe en quarré de grandeur d'un poulce, & quelque peu d'auantage: on les doit tremper dans de l'eau froide, soit commune ou de roses, ou bien dans de l'huile, quand on veut reïterer la saignée.

Les choses exterieures propres, sont les lancettes, & poëlettes. Les lancettes doivent estre differentes, selon la diuerse situation de la veine, consistence du sang, & selon l'intention pour laquelle on pratique la saignée: car si la veine est superficielle, le sang grossier, & qu'il soit requis de faire vne ample ouuerture,

alors il faut que les lancettes
soient à large pointe: mais si
au contraire les veines sont
profondes & cachées, le sang
subtil, & que l'on vueille faire
petite ouverture, il faut se ser-
uir d'une lancette plus estroite.
Les poëlettes seruent pour re-
cevoir le sang: leur matiere
doit estre de terre, de verre,
d'estain, ou d'argent, & non
d'airain; d'autant que telle ma-
tiere communique vne mau-
uaise qualité au sang, & chan-
ge la couleur d'iceluy, ce qui
empesche qu'on n'en peut fai-
re vn assésuré jugement. Leur
mesure est pour l'ordinaire de
trois onces. Voila en general
toutes les choses qu'on doit

24 'T R A I C T E'
preparer deuant la saignée.

*Ce qu'il faut faire durant la phle-
botomie, & premierement la
maniere & dextérité de
bien saigner.*

C H A P. XIII.

TOVTES choses estant
deuëment disposées &
preparées pour faire la
saignée, il faut prendre garde à
bien situer le malade, soit au
lict, soit assis, selon la vigueur
de ses forces; puis descouvrir le
membre, regardant que
rien ne le presse à la partie su-
perieure, comme aussi s'il y a
chose qui le puisse serrer en
quelque partie que ce soit, qui

fust cause de diuertir le sang, comme la ceinture, jartiers, & les anneaux des doigts : en après il faudra vn peu frotter le membre en tirant en bas, à fin qu'il soit eschauffé, & que par ce moyen la veine soit rendue plus apparente. Cela faict, il faut poser la ligature, enuiron trois doigts au dessus du lieu que l'on veut saigner. La ligature sera ou fort serrée, ou mediocrement. A ceux qui ont les membres fort charnus & les veines profondes, on fera la ligature fort serrée; mais à ceux qui ont les veines fort apparenres, il la faut faire mediocre. Apres la ligature faite, il faut empoigner le mem-

bre quel'on veut saigner, & mettre le poulce sur la veine, vn peu au dessous du lieu où il la faut picquer, afin de la tenir subiecte: puis ayant remarqué le lieu où il la faut ouurir, il conuiendra le marquer avec l'ongle par vne petite enfonceure au dessus du cuir; & en fin prendre la lancette qui est entre les leures toute preste, & d'icelle faire l'ouuerture tout doucement, & sans violence, glissant la poincte de la lancette dans la veine tout bellement, non du tout en picquant, mais aucunement en couppant. Et pour faire l'ouuerture plus asseurement & sans trembler le Chirurgien doit tenir sa lan-

cette vers son millieu, du poulce & doigt index, appuyant sa main avec ses trois autres doigts, contre le bas du membre qu'il veut saigner, & poser sur le poulce qui tient la veine subiecte, l'autre poulce & doigt index desquels il tient la lancette, pour auoir la main plus ferme. Si du premier coup la veine est ouuerte, cela va bien; si elle n'est ouuerte, il faut donner vn autre coup au dessus ou au dessous du premier, pourueu que la veine y soit manifeste. Si l'ouuerture est petite, & que le sang sorte trop subtilement, soudain il faut mettre la poincte de la lancette dans la playe & l'essar-

gir : car souuent esfois pour estre l'ouuerture trop petite, il se faiet vn thrumbus & grumeau de sang, qui se vient à apostumer.

L'ouuerture ainsi methodiquement faiete, soudain il faut mettre en la main du malade vn baston, afin de faire mieux couler le sang; & s'il ne coule comme l'on desire, cela arriue ou à cause de la timidité du malade, ou pource que la ligature est trop serrée, ou à cause que le sang est trop grossier, ou bien pource qu'il y a quelque morceau de gresse qui bouche le passage. Si la peur du malade faiet retirer le sang au dedans, ou la ligature

trop serrée, il faut assseurer le patient & lascher la ligature. Mais le sang estant trop gros, il faut mettre sur l'incision vn peu d'huile commune, qui est singuliere pour cet effect. S'il y a quelque morceau de gresse au passage, qui empesche le sang de sortir librement, l'on peut oster facilement cet empeschement, mettant dans la playe vn tuyau de plume de poule ou de pigeon, afin que le sang sorte librement par icy-luy. tuyau.

Si le malade tombe en syncope auparauant que l'on aye faict l'euacuation que l'on desire, ce que l'on recognoistra quand le malade commencera

à blefmir, ſentir mal de cœur,
 & que le poulx ſ'abbaiſſera, &
 deuiendra plus laſche, il faut
 ſoudain arreſter le ſang, met-
 tant le poulce ſur l'ouuerture
 de la veine, puis y remedier
 comme il ſera dict cy apres, &
 en fin paracheuer l'euacua-
 tion.

Si la ſaignée ſe doit faire du
 pied, il faut faire cheminer vn
 peu le patient auant l'opéra-
 tion, & eſtre muny d'eau
 chaude à mettre le pied de-
 dans pour faire enfler les vei-
 nes & attirer le ſang : ſi c'eſt la
 main le ſemblable doit eſtre
 obſerué, en l'exerçant comme
 il a eſté dict du pied.

Que ſ'il faut ouurir la vei-
 né

ne du front, ou des temples, la
 ligature se doit faire au col,
 avec vne seruiette douce &
 bien desliée, en la serrant dou-
 cement jusques à ce que les
 veinés soient enflées & appa-
 rentes: Et si c'est de la langue,
 la ligature se faiet de mesme,
 puis faut prendre le bout de la
 langue avec vn linge net, &
 en la haussant ouurir les vei-
 nes. Le sang estant tiré, il faut
 lauer la bouche avec oxicrar,
 ou vin austere, afin d'arrester
 le sang. Il faut icy remarquer
 que si la saignée se faiet sous la
 langue pour l'angine, il la faut
 faire sans ligature si on peut:
 d'autant que selon Galien, on

*livre 13.
 de la
 Meth.*

TRAICTE
le membre qui endure inflam-
mation.

*Les lieux où l'on peut faire l'ou-
verture profonde, & ceux
auxquels il la faut éviter.*

CHAP. XIII.

POUR CE qu'il y a des
subiects auxquels l'on
est contraint de faire
l'ouverture profonde, à cause
que leurs veines sont enfon-
cées & cachées : Il faut en
suite monstrier les lieux où il
est permis de penetrer la lan-
cette, & ceux où il faut éviter
la profondeur. Or de ceux qui
peuvent supporter la saignée
profonde, il y faut admettre

Vne telle reigle; c'est que par
 tout où il se trouue vne veine
 capable d'estre incisée, pour-
 ueu qu'elle ne soit proche
 d'une partie nerueuse, ou con-
 tiguë à vne artère; il ne faut
 craindre d'enfoncer assez la
 lancette, s'il en est besoin.
 Ainsi la cephalique peut estre
 ouuerte assez profondément,
 d'autant qu'il n'y a rien qui
 l'empesche; car j'ajoit (com-
 me dict Fernel) que cette
 veine soit la plus difficile à
 feigner de toutes, toutesfois
 c'est la plus seure, & celle dont
 l'ouverture apporte moins
 d'incommoditez. Mais pour
 celles qui sont pres des parties
 nerueuses, & dont l'ouverture

profonde est suspecte de toucher l'artère : Il faut éviter la profondeur qui pourroit apporter de grands accidents, comme conuulsion , aneurisme & autres; partant il faut prendre garde qu'on ne pénétre trop en la saignée de la basilique, & de la mediane, de peur de piquer le nerf, & parties nerveuses y contiguës, & d'ouvrir l'artère.

Pareillement en ouurant les veines de la teste, il faut craindre les incisions profondes , à cause du sentiment exact du pericrane. Et celles de dessous la langue , à cause de la proximité qu'elles ont avec les nerfs motifs d'icelle.

Semblablement on ne doit enfoncer la lancette en l'ouverture des veines des pieds, pource qu'il y a quantité de tendons & autres parties nerveuses: autant en peut on dire des mains. Au reste il se faut garder (quoy que l'ouverture profonde soit sans peril) de pousser tant la lancette, que l'on perce la veine de part en autre; d'autant que, comme dict Amidenus, telle saignée est dangereuse & difficile à consolider.

En quel temps il faut faire l'ouverture de la veine grande ou petite, & ce qui oblige le Chirurgien à saigner de long ou de trauers.

CHAP. XV.

L faut faire l'ouverture de la veine grande ou petite, selon la diuersité des saisons auxquelles on pratique la saignée, selon l'habitude de celuy que l'on veut saigner, selon la consistance de l'humeur qu'on veut euacuer, & finalement selon l'intention pour laquelle on incise la veine. Quand aux saisons, l'on doit faire l'ouuer-

ture assez ample en Hyuer (s'il n'y a rien qui empesche) d'autant qu'en cette saison les humeurs sont plus grossiers, & qu'il se faiet moindre dissipation des esprits: Au contraire en Esté il faut faire l'ouuerture plus petite, pource qu'alors le corps abonde en sang bilieux, qui est tres-subtil, & que les forces se dissipent merueilleusement. Les saignées qui sont faietes au Printemps & à l'Automne doiuent estre moyennes: car si on ouure la veine au commencement du Printemps, il faut faire l'incision vn peu moindre qu'en Hyuer; si à la fin, vn peu plus ample qu'en Esté, & ainsi de

l'Automne.

Pour l'habitude du malade, ceux qui sont maigres & d'une température chaude, doivent estre saignez à petite ouverture : Mais ceux qui sont gras & d'un temperament froid (s'ils ont besoin de la saignée) il leur faut faire vne plus ample incision.

Touchant la consistance de l'humeur que l'on veut euacuer, si l'humeur est tenu & subtil, il faut faire l'ouverture petite; si il est grossier au contraire.

Quand à l'intention pour laquelle on pratique la saignée, si c'est pour euacuer, on la peut faire grande ou petite,

selon la saison, consistance de l'humeur, & selon l'habitude de celuy auquel on l'administrera. Mais si on veut diuertir, il faut faire l'ouuerture fort petite, pource que la saignée reuulsiue ne requiert pas vne si ample euacuation, comme elle demande le transport de l'humeur d'un lieu en vn autre ; pour quoy faire il faut laisser couler le sang assez long temps : ce que le malade ne pourroit pas supporter si l'ouuerture estoit plus ample, principalement ceux qui sont affligez de quelque hemorragie, & ausquels on administre la saignée afin deles soulager, d'autant qu'ils sont desia affoi-

blis par l'euacuation precedente.

Touchant la figure de l'incision de la veine, elle est de trois fortes, sçauoir de long, de trauers & oblique. On faict l'incision longitudinale, quād l'on veut reïterer la saignée, pource qu'en icelle les leures de la playe se separent, le membre estant ployé. Pareillement quand la veine est proche d'une partie nerueuse, il la faut ouvrir de long: Mais quand les vaisseaux sont petits: quand la reïteration n'est point requise, & qu'il n'y a de partie nerueuse subiacceté, alors il faut faire l'ouuerture de trauers. Quand à l'oblique elle est

moyenné entre les deux autres, on la faict aussi quand on veut reïterer, & quand les vaisseaux sont petits; car par ce moyen on ne manque gueres à faire à propos l'ouverture de la veine: aussi c'est la plus visitée pour le jourd'huy. Voilà quand à ce que l'on doit faire pendant la saignée.

*Ce qu'il faut faire apres auoir
administré la saignée.*

CHAP. XVI.

LE sang estant tiré selon la grandeur de la plénitude, & la vigueur des forces, il faut oster la ligature, essuyer & desseicher bien la

playe, pour empescher que le sang arresté ne demeure à l'entour de l'incision. S'il sortoit de la gresse on ne la doit couper, ains la remettre dedans, puis la playe sera fermée par la compresse, & serrée estroictement par vn bandage propre. Cela faict, il faut coucher le malade sur le dos, afin que toutes les parties panchantes se reposent sur l'espine, comme la base du corps, & que durant ce repos les parties espuisées se remplissent, & les esprits se reparent. Partant le malade ne doit pas incontinent retourner en son travail accoustumé, ny cheminer promptement, ny se traualler

par nul exercice; d'autant qu'il faut arrester & comprimer le sang & les esprits esmeus, de peur qu'ils ne se dissipent & eschauffent. Il ne faut pas aussi dormir incontinent apres la saignée, de peur que la chaleur plus debile ne soit suffoquée, & que les esprits amoindris ne soient oppressez. Une heure apres la saignée on pourra donner au malade quelque aliment de bon suc, qui soit en petite quantité, qui nourrisse promptement. & soit contraire à la maladie. Et ne faut pas faire comme plusieurs, lesquels ayant esté saignez boient & mangent en quantité, croyant par ce

Moyen restàurer le sang qu'ils ont perdu par la saignée : car tant s'en faut qu'ils en reçoivent aucun contentement, qu'au contraire ils en sont davantage offencez ; d'autant que la chaleur naturelle estant debilitée, ne peut pas digerer entierement les aliments ; & que les veines qui ont esté vuidées par la saignée, les attirent encor cruds, & les portent tels par toute l'habitude du corps. Deux ou trois heures après la saignée il n'y a rien qui empesche qu'on ne puisse dormir, pourueu que l'on prenne garde que le malade n'estende son bras, & ne deslie le bandage, qui pourroit causer vne he-

morrhagie , ou quelque'autre
accident.

Du iugement du sang.

CHAP. XVII.

POUR faire vn iuge-
ment asseuré du sang
il faut cósiderer deux
poincts: Le premier est la con-
sistence du sang : Le second
la couleur d'iceluy. Quand à la
consistence, il est crasse, ou
tenu. Nous cognoissons le
crasse en ce qu'il est bien tost
congelé, à cause de la multi-
tude de ses fibres: au contrai-
re le tenu & rare quand il de-
meure long temps à se conge-
ler. Pour la couleur elle nous

apprend la qualité du sang:
 car le sang reçoit diuersité de
 couleur, selon la diuerse mix-
 tion des humeurs en iceluy, de
 forte que si la melancholie do-
 mine dans les veines, il repre-
 sentera vne couleur liuide, si
 c'est la bile qui soit predomi-
 nante, le sang sera flaue & jau-
 nastre; d'autant que la couleur
 de l'humeur bilieux est telle.
 Le sang sera blanc de la cou-
 leur de la pituite, si elle predo-
 mine. Outre ces deux choses
 nous considerons s'il y a gran-
 de quantité de serosité qui na-
 ge au dessus du sang congelé,
 d'où nous prenons diuers iu-
 gemens: car cela peut premie-
 ment signifier que le malade a

vsé trop liberallement du boire ; cela signifie aussi qu'il y a plusieurs cruditez dans le corps, & que la premiere coction appelée Chylose, & la seconde nommée Hæmatose, se font imparfaitement, & que mesmes lesdictes parties, sçauoir le ventricule & le foye sont debilitées : car le foye à cause de sa debilité, ne pouvant faire vne loüable sangification engendre des serositez, d'ou s'ensuit hydropisie. Cela peut aussi prouenir d'obstruction des roignons : car puis que les reins sont dediez pour l'expurgation de l'humeur scereux, afin que d'iceux il soit porté dans les vreteres,

& des vreteres dans la vefcie, cela ne fe pouuant faire fi parfaictement à caufe de l'obstruction, il faut que l'humeur fe-
 reux reflue dans les veines, à
 caufe dequoy il y en a plus
 qu'il ne feroit befoin. On con-
 fidera auffi au fang l'efcume,
 laquelle fignifie vne grande
 ardeur aux parties interieures,
 il faut toutesfois prendre gar-
 de qu'elle ne foit engendrée de
 la violence & impetuoſité du
 fang ſortant hors de la veine.
 S'il ſe trouue parmy le fang
 certains grains ſablonneux,
 c'eſt vn ſigne & argument de
 lepre. Voila ce qu'il faut con-
 ſiderer ſur l'infpection du fang
 tiré.

*De l'arteriotomie ou ouverture
des arteres.*

CHAP. XVIII.

ARTERIOTOMIE est
vne incision de l'artere
artificiellement fai-
te, pour euacuer le sang &
les esprits contenus en icelle.
Aucuns ont eu pour suspe-
cte cette incision des arteres, à
cause des accidents qui en
peuvent suruenir : Mais Ga-
lien au traicte de la façon de
guérir par phlebotomie, asseu-
re qu'on les peut ouurir pour
la guérison des maladies : telle-
ment que pour les defluxions
chaudes & acres, qui se font

sur les yeux, il veut qu'on ou-
 ure les arteres des temples; &
 celles qui sont derriere les au-
 reilles, à ceux qui ont le verti-
 go ou quelque inueterée dou-
 leur de teste. Elles peuuent
 estre aussi ouuertes en d'au-
 tres endroits du corps: ce que
 toutesfois on ne doit faire
 qu'en grande necessité, à cause
 que leur ouuerture est dange-
 reuse, premierement pource
 qu'on ne peut arrester l'eru-
 ption violente du sang arte-
 rieux: secondement d'autant
 que pour l'ordinaire il s'en en-
 suit aneurisme, mesme apres
 la cicatrifation: Dauantage il
 n'est facile de trouuer l'artere.
 Galien au lieu preallegué ra-

conte qu'il en a cogneu qui
sont morts par l'ouuerture de
l'artere du bras : D'autres, les-
quels ayans voulu arrester le
sang par ligature, ils s'en est en-
suiuy gangrene, puis la mort :
tellement qu'il conclud qu'il
est dangereux d'ouurir les
grandes arteres, & qu'il faut
seulement ouurir les petites.

Or la façon d'ouurir les ar-
teres est diuersement ensei-
gnée des Anciens & des Mo-
dernes : car les Anciens les cau-
terisoient, ou ils les tran-
choient de part en part, ou
ils les ouuroient entre deux li-
gatures, comme aux vari-
ces : Mais les recents les ou-
urent avec la lancette comme

*Paulus
Ægin.
liure 6.
chap. 4.
Hypocr.
au liure
de locis
in homi-
ne.
Galen
au 13.
de la*

*Meth.
ch. dern.*

les veines, sinon qu'ils ne les incisent pas de long (à cause du battement qui continuellement pousse & dilate la playe, empesche la reunion & consolidation d'icelle) ains ils font l'ouuerture oblique, ou transuersalle, oblique si le vaisseau est petit, transuersalle s'il est plus gros. Et ayant euacué la quantité de sang qu'ils desirerent, ils mettent sur la playe vne petite lame de cuiure, ou autre metal propre, ou la moitié d'une febue, ou bien vn emplastre de mastic, avec bandage conuenable.

*Des accidents qui surviennent
quelques fois durant & après la
saignée, le moyen de les prévenir,
& de les guérir quand ils sont
arrivés.*

CHAP. XIX.

Des accidents qui accompagnent ou surviennent à la saignée, les uns arrivent à cause de la débilité, ou mauvaïse habitude de celui que l'on saigne: les autres procedent de la faute & ignorance de l'Operateur. Ceux qui arrivent à cause de la débilité du malade, sont la lipothymie, & le syncope; ceux qui procedent de la mauvaïse

habitude, sont aposteme, intemperie & difficulté de guerir la playe. Ceux qui surviennent à cause de l'indocte administration de la saignée, sont Ecchymose, conuulsion & aneurisme: de toutes lesquelles dispositions il faut dire quelque chose en faueur du jeune Chirurgien. La lipothymie est vne defaillance de cœur & des forces, en laquelle le malade parle, entend, void & cognoist encor ceux qui s'ont auprès de luy: Et le syncope est vn coulement soudain de toutes les forces, par lequel celuy qui en est trauaillé perd la veüe & l'ouye; & pour dire en vn mot il a toutes les fonctions

externes comme surprises & empeschées. La lipothymie est plus legere que le syncope, & a accoustumé de le preceder. Il faut bien remarquer la difference qu'il y a entre la lipothymie & le vray syncope: car l'on peut bien tirer du sang jusques à lipothymie, si les forces sont bastantes, qu'il y aye plenitude, & que la maladie le requiere, comme l'en-seigne Hypocrates, mais non pas jusques à syncope, pource que c'est comme l'image de la mort, qui remplit les assistans de crainte, & met le malade en grand danger de sa vie: par-tant celuy qui desire conser-ver sa reputation, & ne veut

encourir la reprehension des mesdifans, ne doit iamais precipiter son malade en cette euacuation. Or le moyen de preuoir ces dispositions, est quand la couleur se change, qu'il suruient vn baaillement, vn tintement d'oreilles, vn esblouyssement de la veuë, & que les forces manquent tout à coup; toutes lesquelles choses demonstrent vn amoindrissement des esprits vitaux, & que le cœur est offensé estant destitué de chaleur; suivent le hœcquet & vomissement, qui arriuent quelque humeur se iettant en l'orifice du ventricule : mais le plus asseuré de tous ces signes, c'est

la mutation du poulx, quand de robuste & ferme qu'il estoit, il deuient debile & petit, de vehement imbecille & obscur, & d'esgal inégal: Alors si on n'a cessé de tirer le sang, il le faut incontinent arrester, de peur que la foiblesse passant plus outre n'apporte la mort ou quelque autre incommodité qu'on ne puisse reparer: le sang estant arresté, il faut ietter contre la face du malade de Peau froide, luy bailler à fleurir du vin, du vinaigre, musc, ou quelque autre chose aromatique, puis le coucher de son long, les membres esgallement situez, afin de ramener les esprits en

leur lieu propre. Que si pour cela le malade n'est pas tout à fait deliuré de cette incommodité, il luy faut prouoquer le vomissement, en luy mettant les doigts à la bouche ou par quelque chose propre, puis restaurer ses forces, soit en luy donnant du vin avec du suc de grenade ou bien par le moyen de quelque autre cardiaque.

Si le malade pour sa mauuaise habitude est attaqué apres la saignée d'aposteme intemperie, & difficulté de guerir la playe, il faut apporter des remedes propres à chacune de ses affections, traictant l'aposteme au commencement

avec repercusifs, y mellant
en l'augment quelques resolu-
tifs, & en l'estat autant des
vns que des autres, & au de-
clin des seuls resolutifs, si la
tumeur tend à resolution, ou
bien si elle veut suppurar on
y mettra des suppuratifs,
puis estant ouuerte on la mon-
difera, & en fin on induira la
cicatrice par medicaments
epuloticques. S'il y a intem-
perature, elle sera chassée par
son contraire; si elle est en-
flammée, par remedes froids;
si elle est froide, par medica-
ments qui reschauffent & ré-
ueillent les esprits, & ainsi
des autres. Pour la difficulté
de fermer la playe, elle sera

corrigée selon la diuersité des
empeschemens qui y suruien-
nent.

26 Quand aux incommoditez
qui arriuent par la faute de ce-
luy qui pratique la saignée,
Eccchymose est la premiere,
qui se faiet quand le sang cou-
le par dessous la veine qui a
esté percée de part en part, ou
bien alors que l'incision du
cuir & de la veine ne se ren-
contrent, la ligature estant
laschée, qui faiet que le sang
s'escoule entre les espaces vi-
des des muscles, & estant en-
uoyé au cuir, il le faiet chan-
ger de couleur. La curation en
sera faiete par remedes astrin-
gent, discussifs & desicatifs.

Si pour l'ignorance du saigneur le malade tombe en conuulsion (ce qui arriue quand il prend le tendon ou le nerf pour la veine, ou bien lors qu'il profonde si auant qu'il le touche, & le blesse) il faut empescher que la playe ne se ferme , appliquant dessus quelque medicament , comme celuy de Mesué qui est composé d'huile d'olives, & de sel boüillis ensemble , y adioustant vn peu d'huile de therebentine, puis soit appliqué tout chaud : Aucuns au lieu de sel y mettent de l'euphorbe; mais ny l'vn ny l'autre ne se doivent appliquer, si ce n'est que l'ouuerture soit

petite : car autrement si l'ouverture est ample, & que le nerf soit descouuert, on ne doit vser de sel ny d'euphorbe, ains seulement d'huile de noix vieille, bouillie avec vn peu d'assa fortida, ou d'huile de therebentine, & autres semblables, appliquez tous chauds sur le mal. Cela faict, si les accidents se separent, il ne faut craindre de faire refermer la playe de la saignée.

Dauantage si pour auoir trop enfoncé la lancette l'on ouure vne artere (ce que l'on cognoistra si le sang qui sort est tenu, fort rouge, bouillant, & qu'il sorte avec vn certain pouffement) il faut appliquer dessus

dessus vn emplastre d'aloés, de myrrhe, d'encens & de bolar-
mene, meslez avec blanc
d'œuf, & poil de lieure, &
payant bien & seurement ban-
dé, il l'y faut laisser trois iours.
Mais si nonobstant ce remede
il survient aneurisme (qui n'est
autre chose qu'une tumeur
qui cede & obeit au toucher,
engendrée de sang, & d'esprit
qui sort des arteres, ou pource
que leurs orifices sont ouuers,
ou à cause que leurs tuniques
sont diuisées & rompuës) l'on
en obtiendra la curation, ou
par medicamens, ou par Chi-
rurgie : Par medicamens qui
soient fort astringents & glu-
tinatifs, en remettant dextre

ment le sang dans l'artere, & rapprochant les lèvres de la membrane dilatée ou diuisée, puis la bendant & contenant à propos. Pour l'operation manuelle on ne doit iamais ouvrir l'aneurisme avec la lancette comme les autres tumeurs; pource qu'estant percéey sort du sang impetueusement, qu'à peine peut-il estre retenu & arresté; & souuent il cause la mort du patient. Mais l'on en peut obtenir la guérison en deux façons. La premiere se faict avec deux aiguilles, vne qui pique l'artere de long à l'endroit de la tumeur, & l'autre qui la prend de trauers, lesquelles demeu-

rant en croix & pres l'une de l'autre, il faut entourner le fil à l'entour d'icelles, les tenir ferme, & les laisser iusques à ce que l'artere soit bien reprise & consolidée. L'autre maniere se faiçt en descouvrant l'artere, tant au dessus qu'au dessous de la tumeur, puis l'ayant séparée dextrement du nerf & de la veine, il faut passer des fils par dessous, & la lier par haut & par bas comme on faiçt aux varices, & l'ayant couppée entre les deux ligatures, il faut guerir la playe comme les autres.

Voila tout ce que j'ay creu deuoir estre employé en ce petit traicté, & que j'ay peu

DE TRAICTE DE LA SAI.
recueillir tant de la lecture de
meilleurs auteurs que de la
pratique ordinaire pour l'in-
struction & aduancement du
jeune Chirurgien.

FIN.

